

風來暑氣清松鶴一聲聞碧落漁舟幾點  
杳滄溟逍遙不盡登臨興更向仙泉共濯

纓

石逕山在縣西南三十里前有笋山潮陽

山有巖如屋可容數十人列石多類人獸

前有笋山以形似名

仙湧山在縣南六十里潮陽

形小而圓相傳一夕風雷震怒湧出平陸

林巒周具因名蓋妄也山有泉自石罅湧

出故曰仙湧今其山與諸山相聯絡安得

云湧出平陸抑所云紫衣和尚亦妄上有

仙湧寺方信孺詩龍伯何年釣巨鰲兩峯

漂蕩逐洪濤人間靈跡無尋處仙湧羅浮

相對高

熊子山在縣南二十里潮居

山有五與三江山拱揖縣治熊音那三足

鯮也食之殺人山圓小而近水故名之

鯮洲山在縣東南三十里又南二里許曰鯮洲  
山潮居

陳獻章詩云夕舫凌大波北風吹我席冥  
冥鯮洲煙宛對君山碧來鴈知天寒歸人  
看月色超超塵外心浩以周八極

按熊鯮器皆惡名知縣周思稷謂諸山邑  
朝山也不宜以惡名踞向于前改其中者

曰中台山左曰天壽天福山右曰天祿天  
馬山鯮曰拱臺山器曰合璧山爲文告之  
刻石鏡心亭議建文塔于天馬山上業經  
三年而緒未就萬曆己酉知縣王命璿會  
同鄉官黃淳何上新等區畫工程推監生  
生員劉思聰林嘉詔黃家柱譚經李時潤  
許欽質等董理其事復特檄千戶張燁激  
率築之佐以鄉民李光漢舍人張煥不數

月而塔成屹鎮滄海上于雲霄回望見龍  
樓王氣祥光表裏輝映王侯幹旋文運功  
益彰彰矣。

王命璿記曰新會爲粵東巖邑號稱海濱  
鄒魯歲甲辰余不佞甫釋褐奉

命蒞茲土務孳孳拊循求所以當

上意旨奉天時繕地利採風土所宜聿興民  
事時諸縉紳及父老旅進曰會故依山阻

海峯巒擁衛爲我粵藩籬而形家言東

痺削形氣稍弱往邑侯周思稷議建塔以

鎮壓之竟未果就君侯造福元元冀初宏

規以與境內更始余曰唯唯否否夫天屬

分星地畫分野乃確隕自然之符何可盡

廢會自考卜以來其星紀應牛女之墟北

枕圭山屹然高峙支分兩掖天馬聳而金

牛伏真形勝區也僅巽方痺削當水口得

無如青烏氏所謂青龍垂首也者是宜塔  
顧時詘舉羸力不任也越五稔縉紳及諸  
父老復以爲請乃依周侯思稷所定舊基  
請張千兵煒董其事卜日鳩工甃石蘊磚  
週圍廣若干丈高累七層總若干丈挺若  
鰲峯峻突干霄吞吐煙霞海蛋怒濤一目  
而盡江以南一柱石也夫形家指巽山爲  
文峯塔基正位東南水土旣演山若增而  
高補其不足輔相地宜所稱點造化之工  
綴人力之巧而成一方之勝槩非耶邑文  
運從茲隆昌醞釀濃郁濟濟多士雲蒸霞  
起則自然之徵已要以天時久而始興地  
霧閔而後闡則氣化使然余特逢其會耳  
敢言力焉是役也何封君黃大隱實主是  
議募勸通縣論田徵輸鳩工集事然非張  
千兵殫乃心力胡能成功若斯之速也塔

起于萬曆辛丑歲仲冬十有九日竣事于  
巳酉歲仲秋名曰凌雲塔蓋以卜文明之  
兆云

九德山舊名九曲在縣南八十里延袤崖海潮  
居

陳獻章曾講學于此又有龜山與來新嶺  
對峙又有城門頭山景頗幽勝

館山在縣北三十里中樂

山與綠護屏相望洪峻幽勝俗呼雙梅嶺  
上有懸路田澗丹井煙蘿諸境今有雙節

婦馮氏劉氏墓

橫江山在縣東四十里前有表山中樂

至三瀝沙海涯復起一山名曰猪頭

大嶺山在縣東三十六里上有古松鄉人以祀

社稷中樂

金人峯在縣東北三十里上有烽堠中樂

新會縣志 卷之一  
石螺岡在縣北四十里古勞陸象賢有螺源詩社  
水

山海經曰肄水出臨武西南注于海入番禺西  
肄水即溱水之流而復合又南注于鬱者也  
桑欽水經曰浪水出武陵東至蒼梧又東至  
高要爲鬱水又東至南海番禺縣西分爲二  
其一南入于海即經江門而後達于海者也  
失江門之源自湖南而來則南斗江湖分野

益章章矣蓋邑諸水出自溪澗縈匯通流會  
于大江而鬱水則北行千里至于三瀝沙南  
入江門分而爲二左則過石嘴赴虎跳門入  
于海右則遶縣濠經三江達厓門入于海西  
一水則自蜆岡迤邐向東北會溪澗迎潮汐  
與江門右水總注厓門爲一邑之襟帶焉  
文溪發源圭峯合諸溪澗入城北關遶學宮出  
城東南關復趨東之騎虎關達于海宣化

紫水在縣西三里源自龍山遶萬壽寺出妙宗  
橋入于海宋皇祐間水色變而紫者旬日人  
以為瑞故名

五顯溪自外城西水關入至北上橋復趨南出  
于和尚橋舊北上橋左有小溪遶東北而入  
橫通西城濠內初陶魯築時鄉主簿許能靜  
言曰此溪似于縣治畧相背宜作小溪以環  
之今民築塞者半猶存者半今復疏通之可  
也

小富涌在東亭驛右受城中諸水以達于驛海  
原有左右大小之分雨集不致溝盈焉

黎岳海在源清石不涌在宣化第六涌在歸德  
橫江缺口海在中樂俱為盜賊出沒之區久  
為民害萬曆叁拾壹年知縣周思稷採取輿  
議申詳撫按築塞但各處之盜多自外來而  
橫江之盜多出本處獨于缺口嘴加塞兩度

并塞石山柳整二濬以絕盜賊窩泊新涌橫  
海通鄉田園灌溉潮汐消長用杙不塞招給  
黃德承管立海天永賴碑樹之驛右永杜復  
開西整新開濬泗冲而水皆直出署印推官  
黃華秀以爲泄風氣海寇自西易直突議從  
沙頭循故小河疏之工未就而去今議舉行  
江門海說見前歸德

青澹洋在縣西南六十里受恩平新寧諸溪澗  
出覘岡沿于長沙西合曹幕梁金衆水經潯  
陽至牛肚灣迎潮汐以匯于厓門汪洋百餘  
里爲西南天塹其厓有青膽石石上有廓然  
樓

李謙潯陽詩空濛春樹夕陽天斜倚樓頭小  
小船青草浪高三月雨綠荷花發一溪煙女  
兒連袂踏歌去漁火隔江照醉眠惆悵不堪  
重吊古洞簫聲在水雲邊



吳國倫廓然樓詩宅里封喬木賓朋應德星  
樓懸山幔紫石帶水衣青浩蕩連諸粵陰森  
駐百霧壺峯數千里相望海雲停  
長沙海在縣西一百二十里合新興恩平諸溪  
澗爲交羅海東南流經遊魚山以達于厓門  
平康

清水塘在縣西一百里其水容諸溪澗常清瀦  
而不流其中多魚平康

牛肚灣在縣西九十里源于曹幕會于鮑魚頭  
達于厓門石碑

螺江在縣東三十里三瀝沙之支流多螺蜆中  
樂

小梁海在縣東三十二里多魚歸德  
仙井在縣南八十里出于石窟雙缸合江其深  
不測潮居

陳獻章有與友約遊仙井詩

新會縣志 卷之二  
厓門海在縣南一百里外達烏猪大洋潮居

兩山高峙其口如門吞吐潮汐故名水流  
湍急常作洶洶聲宋末有黃龍橫海元張  
弘範彎弓射之即此海也 汪廣洋詩牂  
牂流水碧潺潺潮落潮生草木閑一片海  
雲吹不起越人遙指是厓山

橫江在縣東六十里中樂

新會曰新會水國也晝夜潮汐竊有攻焉  
候潮法浙最近潮生處而又為龕赫二山所  
捍激拗怒不洩奮而上躋如素蜺橫空奔雷  
殷地故觀者膽掉涉者心悸餘在四海或因  
遠近少有遲速而信則一耳獨瓊海之潮半  
月東流半月西流大小隨長短星不繫于月  
此其異也大槩圓則之運大氣舉之方儀之  
靜大水承之氣有升降月有盈虛故潮有起  
伏朔望而盈兩絃而虛息于朏朏消于朏魄

而大小準矣。晝潮之期，日常加子夜潮之候。月必在午月為陰精，日為陽宗，陰必從陽，水必依月。卯酉之月，陰陽之交，故潮大于餘月。大梁柝木河漢之津也。朔望之後，天地之變，故潮大于餘日。寒暑之大，建丑未也。一晦一明，再潮再汐。一朔一望，再虛再盈。天一地二之道也。月一晝一夜，九一加午，故潮一日再生。月一日退，天十三度十九分，度之七，故潮日遲于一日。所以初三之潮，晝遲而入十八之夜。十八之潮，夜遲而入初三之晝。生落盛衰，各有時刻。天地之至信也。在天為月，在地為水。月于一月有遲縮，潮于兩信亦有遲縮。秋月最明，秋潮最盛。數與卦通理則然也。梁斗輝曰：月臨卯酉則潮漲，乎東西月臨子午則潮漲，乎南北自朔至望常緩，一汐自望至晦復緩。一潮朔望前後月行差疾，故晦前三日

潮勢長朔後三日潮勢大望亦如之二弦之際月行差遲故潮之勢亦稍小一月則潮盛于朔望之後一歲則潮盛于春秋之中歲之有春秋猶月之有朔望也春爲陽中秋爲陰中秋中允盛于春望後允盛于朔水本陰而從月也仲春日落水生而汐微仲秋月明水落而潮盛五月晝潮大十一月夜汐大蓋陽生子中極于午中陰生午中極于子中其長

在書者陰根陽也長在夜者陽根陰也若謂地在天中水遶地外氣有升降地有浮沉故潮有盈縮不知天形斜倚半在地上其南入地下纔十一度而已地至靜者也而謂地一日再沉再浮何所見乎大約五行皆貞于信維水之潮最著子思子所云至誠無息非耶若中國有<sup>之</sup>變而潮信亦爲之變錢塘潮三日不至此尤異之異者也

新會縣志卷之一

規制畧上

城池

新會自晉以來州郡規制無足徵者迄宋爲縣  
猶未有城池元季倣擾邑主簿徐聞可始築  
垣備寇後黃斌作亂攻破之邑遂爲墟洪武  
十七年邑人岑得才奏准設立千戶所及城  
池是年都指揮王臻撥軍一千人立柵鎮守

臺灣國家圖書館, NATIONAL CENTRAL LIBRARY, TAIWAN. R.O.C.

二十四年始築土爲城在今宣化坊以圭峯爲鎮而向熊山外環以濠三十年千戶宋斌督造砌以磚石周圍五里凡六百六十八丈高二丈九尺厚如之爲四門各有樓櫓樓高一丈各三間東西角樓二座城上爲窩舖者十有三雉堞九百零六城內警舖者六濠一千六百八十丈濶三丈深七尺西北乾塹半之舊無子城天順六年西寇焚掠郭外寇退

知縣陶魯始築子城內設馬路外鑿重濠濠外又築竹基重塹次年寇再至卒莫敢犯復恐土易傾圮乃悉砌以牡蠣謂之輔城凡一千六百八十八丈高一丈二尺外濠二千一百二十五丈深一丈五尺濶二丈二尺竹基二千五百八十七丈外塹三千一百六十八丈深八尺復自縣界北連高要古勞南抵峴岡白蒙陽江延袤五百餘里夾道皆築土垣

一丈二尺內築馬路高五丈濶一丈八尺外  
塹深八尺塹外復築土基栽竹以爲隘塞凡  
關口河道各分士卒嚴守西寇遂不敢入今  
故跡久湮不可復矣

陳獻章輔城記吾邑輔城周遭六七里高  
若干尺東南際水西北鑿山城下爲池旁  
植刺竹施蒺藜其中爲營門以守嘗記往  
年西寇之來憑凌高涼以東破關襲城勢

如建瓴至此則截然而止如虹霓之收急  
雨由是而吾民之丘隴以完家室以安鷄  
犬以寧倉廩以盈燕有歲時樂有賓客至  
于今各得其所者則誰之賜乎始者吾謂  
陶公曰孔子曰言忠信行篤敬雖蠻貊之  
邦行矣以此而盡吾心則庶政無不修用  
人無不當理財無不富治兵無不強不知  
乎此而欲徒恃其末蓋後世以法刼制天

新會縣志 卷之二  
下區區之爲也。公之功固大矣。而聖人之道非耶。公曰不然。行聖人之道術有二。內之曰心外之曰權。無其心則權挾私妄作矣。無其權雖有其心將安施哉。今夫用行伍之人取其長不責其備宥其過以圖其功可也。或者過于求實一疵不貸而用舍乖張矣。今夫理財于擾攘之秋非常賦尅取之民故椎牛酬酒豐犒厚享非以醉飽

爲德所以作士氣也。顧小利而忘其大體者則朝夕與小吏計牙籌筭贏餘矣。今夫治兵于閩外號令則大將主之而吾每以偏師從事。况夫深山窮谷民獠雜居善惡同狀生殺在前而節制不一沮我者惟以殺無辜爲言矣。此事之所以難行而心之所以不孚于人也。嗚呼兵凶器也豈得已哉。公從事於茲餘三十年吾民之老者死



少者壯事功在邊隅日遠日忘蓋不可以  
無紀而垂告于將來也今西師戒嚴盜賊  
塞路吾欲于智力之外而網維乎是則孰  
與語哉

歲久子城盡隳正德十一年春三月知縣  
徐乾乃修復之延袤一千七百丈高八尺  
外濠內馬道一如陶魯之舊而門舖水閘  
皆備其謂池爲濠者嶺南語也乃若夾道

土垣自拆置新恩二縣後莫能重加修築  
云

陳獻章子城記云自人一身以及天下之  
守莫不有藩籬焉是故身之守禮義是也  
國之守紀綱是也關要之守城郭是也藩  
籬之所在賢者慎而修之修之身以善其  
言行修之國以善其政令修之關要以保  
其土地人民其用不同其以是爲用之急

而盡心焉一也昔日西寇之來今憲副鬱  
林陶公始爲城于我邑當是時賊剽掠高  
涼以東千里無完城民枕籍死道路遠近  
髑髏相望卒無可供賊求者吾邑故饒裕  
雖當剽掠之餘亡者僅有一由是東掠之  
寇爭倍道以圖我望山川而朶頤公晝不  
遑食夜不解甲躬率子弟閉關塞要以待  
賊之必至而謀殲之萬不失一賊遂却民

喜特公以爲固公曰未也孤城當賊騎之  
衝我恃勢而忘備藩籬不修非萬全計乃  
以衆謀環郭更以牡蠣爲重垣而守之邑  
地南盡于海面南爲廣海衛兩城相望爲  
唇齒中間烽火之警南北視以爲備其輕  
重之勢等爾掌衛指揮周侯旻修戰守之  
具以與強寇從事而城以克完寇退謂人  
曰邑之戰孰與衛之危衛之守不如邑之

固邑有輔城衛無之會總督韓公移檄各  
衛所通作木柵為重垣以備西寇侯喜曰  
我志也詣憲副公議事環衛城一千丈木  
長短大小如式較于磚之費廉而能人逐  
定議以磚易木侯退領其事材具于邑力  
辦于衛經始于成化甲午訖工于戊戌凡  
五年而藩籬之設衛與邑等而又過之蓋  
木柵之嶮岨湯搖不若磚之永固也衛人

感侯之用心侯不自有欲歸其功于上之  
人而懼後之人我遺來乞記于白沙陳獻  
章告之曰關要之守在藩籬則用心于藩  
籬矣亦知志於手足之用乎予聞之無事  
而物物得其所可以折千里之衝之謂整  
有事而能以逸待勞以實擊虛彼不足而  
我有餘之謂暇夫惟整故能暇整與暇守  
之志也藩籬其手足侯之先務在志乎哉

侯曰唯并書以爲記

湛若水記正德丙子三月戊午新邑尹臨  
桂徐侯乾健夫復子城越二月告成延袤  
一千七百丈高八尺城山水各因其地爲  
外濠爲內馬道爲門爲舖爲水閘稱之凡  
用牡蠣者若干木石之事若干是役也費  
出而官不與功成而民不勞初侯蒞邑三  
年覽地圖歎曰嗟乎美哉山河之勝北有

圭峯南有厓山東有江門西有金牛後有  
高涼廣右之區前通邊夷海島之舶故有  
備則爲之險矣無備則爲之衝矣儒學生  
林紹光進曰昔我方伯陶公魯丞是邑懲  
西賊肆楚虜之慘圖諸白涉先生而子城  
肇建民有賴以拒賊明公其有意于復乎  
侯謂劉大行文瑞曰人子城古之郭也郭  
以輔城城以輔民故郭不修斯無城矣城

不固斯無民矣無民者謂之虛無城者謂  
之危危與虛河以爲民之父母乎吾將復  
焉或曰其遺址久奪于豪右則如之何侯  
曰豪右之奪利其地也棄城妻子不保其  
何利之有或曰其瀕海阻于市則若之何  
侯曰市民之安之遂其利也棄城與敗身  
且不保其何利之有是故一言而民從矣  
于是鄭戶曹銘曰保障有賴其在茲乎施

縣尹用曰萬世之防其在茲乎余侍御敬  
曰侯之功德其在茲乎若水聞之曰諸君  
之說誠然矣然而輔城之外其何賴不亦  
舉而棄之乎故古之大夫以四境爲郭諸  
侯以四鄰爲郭天子以四■爲郭以四■  
爲郭者天下無棄民矣以四鄰爲郭者舉  
國無棄民矣以四境爲郭者舉邑無棄民  
矣是故君子以忠信爲金湯禮以爲雉堞

義以爲樓櫓道德以爲關鑰與民修之與  
民固守而勿棄是之謂無棄民之道也李  
推官與鄭諸君曰盛事也不可以不紀守  
禦千戶所死君忠曰紀之將以告乎嗣守  
者貪謀與葉貢士尚疊來謁文明年季夏  
邑丞周君濟速邑人何侃鐫事遂書于石  
萬曆元年六月兵備僉事何子明知縣伍  
睿同鄉官彭漢陳吾德林大章黃淳許大

之許欽文等議築外城聞之兩院兩院報  
可乃闔邑愿輸財力及寺中之田城中之  
間架者乃相度原巘東自馬山沿溪而合  
之西西自象山沿溪而合之東延袤九百  
六十丈有奇濶一丈有奇高一丈五尺有  
奇礪石以始基之爐磚以夾搆之砂土以  
中實之子來恐後皐鼓弗勝直不煩一令  
一刑而城成于數月間矣爲大門三上起

樓櫓南曰鎮海東曰賓升西曰寶成爲小  
門四曰知政曰庇民曰泗水曰惠民爲水  
之關門五曰騎虎曰五顯涌曰清化曰隆  
興曰小富列窩舖分戍守屹然爲嶺海保  
障焉初知縣林會春建議未行以陞去後  
攝縣提舉何一達以築城故拆民居者各  
給散地補之民益欣欣然樂城之有成也  
黃淳有記堅東亭驛萬曆二十五年知縣

王命璿謂舊城北一帶埜曠民稀外無重  
城輔衛而帑藏狃犴隸城不遠睥睨低薄  
在綢繆牖戶者所必慮也以聞當道乃東  
自馬山西自舊城西樓計三百丈高三尺  
益之磚石董之少尹于是雉堞我磐勢峻  
遂與重城相鞏固而北顧憂釋矣復謂外  
城大三門軍士夜則戍守風雨暴至棲身  
無所乃與千戶陳宗智剏立街亭于門之

裏不惟軍士得所行道亦藉蔭焉民甚便

之六三門軍士亦便於平風雨暴至對食

新會縣誌卷之一終

...

...

...

...

...



臺灣國家圖書館, NATIONAL CENTRAL LIBRARY, TAIWAN, R.O.C.



會縣誌卷之二

閩龍巖王命璿君衡甫

邑鳴山黃淳叔化甫

邑泗水李以龍伯潛甫全修

版籍畧

天王大一統所以共提理其統者約而言之曰  
岳曰牧而已岳以統諸路牧大以統諸羣牧  
小以統諸邑此大一統之規制也邑有都都



臺灣國家圖書館 NATIONAL CENTRAL LIBRARY, TAIWAN. R.O.C.

有畝而百一其戶百之戶曰甲首一之戶  
有十曰里排各以其一統其戶之十者歲輸  
直以役于官凡統十之戶而糧差而勾攝而  
結勘胥其任之甲首諸辦悉聽諸里之長一  
者戶十者戶百逸戶附畝之外曰畸畝十  
載而畝中之戶口稅畝消長興替攢而籍之  
以上

天府是惟黃冊男子十五以上始丁六十以上

蠲贖之縉紳者士者胥者疲癯殘疾者皆復  
之且有等差焉民之飛詭那移于版籍間甚  
至有無田之稅無稅之田自知縣表奎躡丈  
魚鱗歸號班班可稽無田之稅空懸百十頃  
如鍾之戶者喘息始甦越今二三十年法外  
之弊復滋知縣王命璿則清查出差錯飛詭  
已貳拾肆頃壹拾捌畝伍分有奇蓋糧派書  
筭極力巧思為肥家計儻非精明之令存心

撫理將月積歲累又不可勝窮矣夫民國之本也食民之命也利于民而君實利焉宋太祖于廣州之初附也即遣使檢去劉鋹苛政稅筭之繁者累朝惠養至仁宗戶口滋殖王安石作青苗法獨新會令周諤不之行時戶口類分主客以九等著籍以五等定差嶺海荒迹優恤恒加仁政淪洽餘三百年厓山駐蹕農供賦士効死民無一叛者得非厚民之

利其明驗歟元籍江南十等儒居其一如梁

臨猶以儒籍起家科差有三曰絲料曰包銀曰夫役視丁力輸辦雖禁制踈濶聽民從便然達魯花赤之性終與華乖即茹荼飲恨多矣我

太祖高皇帝際蒙屯之始開闢乾坤于再造正德厚生海隅仰庇馴至于今生息日繁土地日闢顧登耗弗常意岳不古乎牧匪人乎休

咸逐變故因之耳軍籍例不開拆若贍軍有  
田即競伍而訟無田即畏勾而逃况優恤者  
鮮城守分戍將安賴乎天下大一統四海晏  
然若滿堂燕咲間有隅泣亦民吾同胞者所  
必矜也

戶口

宋

戶三萬九百一十三僧道一百三十八

明

洪武二十四年

戶三萬六千八十八口八萬一千二百八十

永樂十年

戶二萬六千二百二十七口七萬五百六十

新會縣志 卷之二 戶口  
五

天順六年

戶二萬八千六百九十口一十萬四百八十

成化八年

戶七百七十六口九萬八千二百一十

五

弘治五年

戶二萬五千二百八十口七萬二千六百二

十三

正德七年

戶一萬七千九百九十八口六萬二百七十

七

嘉靖元年

戶一萬八千一百三十五口六萬一千三百

三十二

嘉靖十一年

新會縣志 卷之二 戶口 五

臺灣國家圖書館, NATIONAL CENTRAL LIBRARY, TAIWAN. R.O.C.

戶一萬八千一百六十口六萬三千九百二十三

嘉靖二十一年

戶一萬八千一百二十口六萬四千二百三十三

嘉靖三十一年

戶一萬八千一百三十口六萬五千零五十二

嘉靖四十一年

戶一萬八千二百四十二口六萬三千三百六十二

隆慶六年

戶一萬八千二百五十一口六萬四千三百七十三

萬曆十年

戶一萬八千二百五十七口七萬一千四百

一十六

萬曆二十年

戶一萬七千五百三十六口七萬三千一百二十七

萬曆三十年

戶一萬一千八百零五口七萬二千一百六十八

萬曆四十年

戶一萬

賦役

明

洪武二十四年

官民田地山塘一萬一千七十九頃三

十一畝六分

夏稅米四石六斗零五合三勺

臺灣國家圖書館, NATIONAL CENTRAL LIBRARY, TAIWAN R.O.C.

秋糧米四萬四千六百九十一石六斗二升  
零五勺

永樂十年

官民田地山塘一萬一千二百一十八頃一  
十八畝七分一釐一毫

夏稅米四石六斗二升四合三勺

秋糧米四萬四千七百六十石一斗零一合  
一勺

天順六年

官民田地山塘一萬一千五百七十七頃一  
十畝三分

夏稅米五石一斗六升八合五勺

秋糧米四萬四千九百三十二石六斗四升  
六合七勺

成化八年

官民田地山塘一萬一千五百九十九頃五



十二畝七分六釐

夏稅米五石一斗九升八合五勺

秋糧米四萬四千六百二十石九斗一升零

四勺

弘治五年

官民田地山塘一萬一千五百六十八頃八

十九畝二分一釐

夏稅米五石一斗六升八合五勺

秋糧米四萬四千三百八十二石八斗五升

三合八勺

正德七年

官民田地山塘九千一百九十八頃六十八

畝六分四釐

夏稅米四石九斗七升五合九勺

秋糧米三萬六千五百五十九石四斗一升

五合五勺

嘉靖元年

官民田地山塘九千一百零五頃三十一畝

夏稅米四石九斗七升五合九勺

秋糧米三萬六千五百八十石七斗零七合

七勺

嘉靖十一二一三二四一十一年俱無考

隆慶六年

官民田地山塘九千二百五十四頃四十一

畝七分八釐一毫

夏稅米四石九斗九升五合九勺

秋糧米三萬六千七百零九石三斗三升八

合二勺

萬曆十年

官民田地山塘一萬一千九百七十九頃二

十八畝八分五釐八毫

夏稅米四石九斗七升五合九勺

秋糧米三萬六千八百六十四石二斗零二

合一勺

萬曆二十年

官民田地山塘一萬二千四十一頃五十一

畝二分七釐四毫有奇

夏稅米四石九斗七升五合九勺

秋糧米三萬七千七百五十八石七斗三升

九合正

農桑米一石六斗正

魚課米四百三十二石二斗六升五合正

上則田每畝科正米二升五合一勺一抄六

撮四圭二粟九粒官田四合八勺八抄三

撮五圭七粟一粒

中則田每畝科正米二升二合六勺四撮七

圭八粟六粒

新會縣志 卷之二  
下則田每畝科正米一升九合四撮七圭六  
粟五粒官田三合六勺九抄五撮二圭三  
粟五粒

斥鹵坦田每畝科正米三合三勺四抄八撮  
八圭五粟七粒官田六勺五抄一撮一圭  
四粟三粒

僧道田地塘每畝科正米四升一合八勺六  
抄七圭一粟五粒官米八合一勺三抄九  
撮二圭八粟五粒

地稅每畝科正米一升九合四撮七圭六粟  
五粒官地三合六勺九抄五撮二圭三粟  
五粒

秧地山每畝科正米一升六合五勺四抄三  
撮三圭五粟五粒官地山三合二勺一抄  
六撮六圭四粟五粒

以上各米每斗帶耗七合

萬曆二十八年新增實在秋糧官民僧尼道竈  
夏稅農桑渡海水稅魚課魚油翎鰓米共  
三萬八千一百九十七石五斗七升九合  
九勺

糧料派額九二十條京庫料銀三千五百四  
十兩六錢一分七釐九毫有奇

廣西梧州府廣備倉米銀三千零八十八兩  
七錢八分四釐八毫有奇

儒學倉米二百二十九兩八錢

存留倉米銀連算筭共銀五千一百七十六

兩三錢零四釐二毫有奇

庫間月折色米銀二千八百三十兩零八分  
有奇

解司軍糧米銀七十兩九錢三分八釐二毫  
有奇

額派均一料銀一千二百九十三兩七錢五

分一釐五毫有奇

續派四司料銀七百八十四兩四錢六分五

釐一毫有奇

鋪墊并京估料銀二百零五兩二錢八分六

釐八毫有奇

增派紫竹梨木翠毛等料銀四十二兩二錢

零一釐九毫有奇

軍器料銀五十三兩一錢二分二厘一毫有

奇

總兵廩糧椽史衣資共銀一十五兩零三分

六釐一毫有奇

魚課米銀連水脚共銀一百一十一兩六錢

一分三釐九毫有奇

魚油翎鰓料米銀連水脚共銀九兩七錢二

分四釐

萬曆二十八年人丁實存丁除優免外實編丁

二萬一千七百零六丁三分

官民夏農除優免外實編米共二萬七千三百九十石三斗五升七合八勺

徭役派額凡五條徭差無閏銀五千零九十兩九錢零四釐八毫

民壯無閏銀九千一百一十兩九錢

驛傳銀二千四百四十兩二錢四分七釐五毫有奇

均平銀九百三十六兩三錢三分零一毫

戶口鹽鈔無閏銀八百七十九兩六錢

按國初之制自田賦而外所輸羽毛香蠟

皮漆與夫農桑魚課鹽鈔俱稱歲課乃今

或以料折或並稅徵故悉詳附于賦役之

內其所謂門攤酒醋茶絨窰冶房屋商稅

比附之類屬邑尚存其名新會九十定一

貫五百八十一文商稅二千五百七十九

新會縣志 卷之三  
定二貫九十文比附一百五十七定二貫  
二百五十文而其籍不可考矣豈混徵田  
賦之中而其額遂不復問耶故爲之存其  
槩如此近以牛餉派徵田戶禁不宰未既  
私宰益不可禁是餉出之田而私宰者擅  
無餉之利况餉加于民後率難蠲有永累  
之憂撫民者不可不爲之計也

萬曆三十年

寺觀田土

龍興寺在大雲山之陽

隋唐名洪化宋僧惟直建易今名洪武十七  
年僧孺斌天順七年知縣陶魯委元明俱重  
建爲祝 聖道場田一百一十五頃三十三  
畝一分三釐在本縣者一百一十四頃五十  
八畝三分三釐在香山者七十四畝八分正  
萬曆二十一年僧性明大修復之黃淳爲記



寶積院

在金溪山元末毀昔傳鍾鼎居此蘇軾來訪鼎已屍解因種荔于院曰東坡荔

玉臺寺在圭峯山唐建和間建元末毀正統十

四年僧懷海重建田三頃二十四畝四分八

釐

黃雲寺在圭峯山下嘉靖元年廢六年僧本興

重建今復廢田二十五頃九十七畝

象山寺在源清坊宋宣和間僧有定建田一十

一頃九十九畝一分六釐

萬壽寺在禮義坊初名龍山洪武十七年僧明

暢重建今廢田十頃六十七畝六分八釐

九源寺在遵名都上臺山山南有泉九故名宋

政和間僧智璋建元末燬洪武二十年僧廣

壽重建以奉 勅謚定應無際禪師師本縣

南庄梁氏戒行清嚴宋理宗寶慶二年作偈

趺坐化于大雲深處故老迎歸寺中香火之

知縣黃從政贊曰鴛鴦幾句偈啜一甌粥這邊

天濶雲收彼岸山青水綠嘉靖四十二年光  
孝寺僧方見重修田五頃八十六畝九分二  
釐

雙湧寺在瀧水都唐咸通間有梵僧自西來駐  
錫于地始造元至正癸未重修燬辛丑僧海  
雲成化七年僧真賢重修田三頃一畝一分  
九釐後鄧知府廢其寺塋其山敘其田鄉之  
人長歎而已

月華寺在吳村甲慧龍山之南唐刺史孔戣奉  
賜月華寺額後毀宋景祐間重修安撫使張  
魏公重書表揭宋季毀元至正間僧慧濟重  
建

梁杞記曰新會山川麗風俗淳麗則多奇  
觀淳則多樂施故金仙氏之宮侈而盛邑  
西四十里餘有小山以慧龍名望之隆隆  
即之坦坦激湍縈于外嘉樹矗于中清暗

靈霽景象萬變唐禪神會嘗過而竒之廬  
此後人大之為蘭若間遇旱潦所祈輒應  
元和時刺史孔戣奏賜月華寺額我宋景  
祐三年耆民李懷軫懷璵痛寺基蕪沒將  
復之未果適賜紫證悟大師行宣自六祖  
故宅振錫來遊環覽周度語人曰茲土似  
與海潮上下靈怪依焉鎮以珪坊俾伏匿  
毋遺患人未以為然俄有物蜿蜒草莽中  
飛天拔木而去冥符其說且知昔之名是  
山者有由也乃削榛棘夷坎坑觸寒暑冒  
險毒勇猛精進工不告勞唱一和百未幾  
寺成今經畧安撫使工部侍郎魏公親秉  
椽定表揭美矣哉殿磊塊而中峙樓崢嶸  
而四起書滿其臺粟滿其倉金碧丹堊曄  
煜其脩廊霜鍾曉清雨化晨亂晝馱梵唄  
之曲日靄梅檀之薰禪心澄如水月法語

新會縣志 卷之二  
吼爲天龍繇是靈恠隱旱潦攘境方百里  
皆春臺也一日宣公欲去此其徒契安等  
固留之因拊掌大咲曰退居可留也世緣  
竟汝能留乎  
佛祖之法肯

會公之搆乎異日有儒者至則勾文以紀  
之吾行矣索楮作頌趺坐而說蓋所謂會  
公者六祖嗣也去三百載訪遺迹廣前規  
僅一宣公耳昔六祖將滅度大衆感愴推

會寂然不動六祖曰神會知吾行李所至  
也今宣公去來無礙談咲自若行李其可  
知之此則知會宣二公又同得佛祖之妙  
道矣雖然宣公道其所道而何爲托儒者  
爲之記是亦知尊吾儒之道者不可不記  
尼姑寺久廢田七十一畝

仙湧寺在潮陽都唐咸通間僧法迎造久廢永  
樂二年僧廣璿重修成化十五年僧真光重

建田三頃四十畝二分萬曆癸巳光孝寺僧  
實祺重修清丈尚存田二頃六十畝四分五  
釐祺復自贖回田塘五十三畝還寺

曉清寺在登名都雙峯山南舊名曉清院宋景  
祐間僧行趣創宋末燬元至正間僧如原重  
建今廢田四頃七十七畝八分

波羅寺在波羅村云昔有曾姓者居此山番語  
謂曾為波羅故名舊傳有僧趺坐而化號無

寂禪師宋宣和間僧善祥建寺奉之宋末燬  
元至正二十四年僧性遜重建傳寺有古鍾  
每風雨夕則飛去旦復懸于故處寺僧去其  
一角後不知所在萬曆間僧性明重修田五  
頃三畝六釐

齊興寺在中樂都萬斛山舊名齊興院唐建中  
間僧登覺建元末燬洪武八年重建今廢田  
一頃四畝八分

廣化菴原在縣內田一十三畝一分廢建兵備

道今改建演武亭左為廣化寺深九丈濶二

丈七 萬曆辛丑年邑齊民張明然募緣建

聚寶菴在歸德都會村宋紹興九年僧慈載

創奉檀越黃道娘謂之圓明庄其田嘉靖十

二年知縣張文鳳撥以祀白沙先生

六祖堂在瀧水都元至元二年建元季燬洪武

二十年重建田二十九畝四分

六祖堂在比到甲元季燬洪武十五年重建田

二十九畝六分知縣丁積改撥入大忠祠

立仙堂在縣西南庄村宋紹定間民朱立生有

異質見時牧牛或對人出語異淳祐癸卯五

月五日于雲峯趺坐而化鄉人建堂以祀之

曰立仙田三十三畝八分四釐

道姑堂在橋下甲田一十四畝一分五釐新誌

歸仙堂在縣西北山之南唐僖宗中和四

年九月九日邑人黃歸南削髮坐化于此鄉人建堂以祀之曰歸仙元致和元年改建元季燬洪武十八年重建

隆興觀在縣北今在縣西源清坊宋皇祐間道人李先生結壇朝斗其後尸解邑人即壇祀之曰李先生祠後改今額萬曆間僧三乘重修田八頃五十二畝二分五釐

報恩寺在縣東歸德都奇榜村其田屬光孝寺

有僧主之林應驄詩江上謾愁名寺少舟人遙指報恩山疎林遠見高僧迓稚子欣傳少尹還香篆午浮青樹暝笛聲秋徹白雲間干戈早慰昇平願借榻沙門夜不關張問行詩昔年夢踏江門月此日經遊奇榜山山鳥不知行客意月華催趁釣舟還每過竹院思高卧冷笑浮生尚未閒明發天涯謝知己莫因流俗唱陽關

新會縣志 卷之二  
已上各寺田嘉靖二十二年皆已奉

詔變賣每寺或留少許以供香燈或盡賣之  
所存者惟光孝西禪二寺之田而已今按  
光孝之田萬曆元年築外城僧送出變賣  
後城工完有未秤價而白食其田上不納  
糧下不輸租寺僧屢以爲言竟委之而已  
此不可不清理也

猺獞土田版籍所不收今附見

猺者椎髮跣足刀耕火種食盡一山則徙他  
山居焉喪塋作樂歌唱謂之暖喪獞者性質  
粗悍露頂跣足居處山谷花衣短裙鳥言異  
面自耕而食又曰山人者是也今皂幕山多  
佻化猺人居之

按山中諸猺其長技在竹弩藥箭發即竒中  
儻遇寇倭足備戰守永樂十三年出貢于  
朝勅爲良猺後歲荒思亂祿洞村生員李宏自



鬻已田賑之亂止功授撫猺官職世襲宏孫  
盤嘉靖二年領征新寧縣上川六寨生擒賊  
首從甄子昌等數百賞之田土移徙耕守續  
擒番倭唵嘍等盤生介介生瑛瑛生浩見  
襲撫官世曰李山官云

新會縣志卷之二

食貨畧

禹貢揚州厥土惟塗泥厥田惟下下周官職  
方氏東南曰揚州其利金錫竹箭其民二男  
五女其畜宜鳥獸其穀宜稻蓋南海本揚州  
商土新會為邑負山瀕海地廣而瘠勞于力  
本而鮮于為商土無珍奇惟產黍稻豆麻蔬  
果艱鮮食物而已瀕海以魚鹽為生負山以

薪炭材木為利然器藝織作亦漸精巧矣夫  
食所以勤本業也貨所以通用物也邑民所  
賴以為食貨者四曰田利曰海利曰山利曰  
造作之利吏茲邑者所以厚民生而利其用  
之道亦有四焉曰勸課曰預備曰厲禁曰無  
總貨寶象山之下昔皆滄海民生其間不為  
波臣者幾希今則淤為沃壤望不可極厓門  
以內猶然浩渺歲受西水種荻積汚目為浮

生鼓之以獻投假之以科陞豪門貴客迭相爭奪  
古勞一帶競築陂圍以禦西水一孔之決舉圍莫  
收此謂田利而亦有害焉東自三瀝沙西自蜆  
岡放于厓門網罟筌簞棘鏃畝藥窮極巧術  
期與魚遇魚而石首聞響跳躍薄暮擊柳聲  
澈四溟植木波間置罾截流是為罾戩觸之  
覆舟陳猷章詩畏此波心木是也斥鹵之所  
沾溉不獨魚族蟬螻蠅蟻悉堪海錯鹽之所

出一煎一曬竹釜螞塗轉久彌密此煎法也  
功倍于晒視淮浙煮而用鐵者尤便螞蟻房  
也民取諸海砌結環堵十室而九煨燒成灰  
用塗宮壁堅耐且華至如業食繒門蛋民之  
利豪猾據效額課不完負海為盜固其勢也  
河泊所亦幾毀矣此謂海利而亦有害焉曹  
幕之山勢茶峻林茶深材木茶不可計芥而  
材之筏難盡致則焚以為炭野蠶成繭則繅  
以為絲鹿麀麕豹蚺蛇之屬胥可登用芝蔴  
烏柏雜擇為油木綿三月花落絮飛謂之攀  
枝可織為布藉為褥地宜竹槍矢牌笠皆異  
資也顧或旦夕豺狼逞返風波盜賊之遭罹  
蠱之毒時不得免此所謂山利而亦有害焉  
藤枕茶精緻其蕉苧與絲治為布帛然不甚  
工也天蚕有絲施諸葵扇焚潔可愛俗鮮經  
商獨葵扇之制幾遍天下葵植以畝畝駕數

新會縣志 卷之二 二十  
金大颶裂吹每每縮手曾見旋風晝捲盤飛  
如星收拾百一歲力空空况官家之供非繁  
乎此謂造作之利而亦有害焉民間生計大  
都惟是而已俗好酣飲知縣陳豪銷其餅醃  
為文廟祭器著酒戒而後民知本業設預備  
倉于鄉坊亦惠政也然勸民入粟遇饑而賑  
顧及儲則蟲鼠風雨之所耗豪梗便滑之所  
資區畫經制講而弗豫吾未見其能濟也

順中都御史堦以雍謂彭蠡害稼鴨可治之  
有滯穗鴨得食之稅為軍需亦一策也乃立  
埠焉革之已久正德初復簽民之有恒者立  
埠如故蹂禾失業至有掠鴨而鬪者于是復  
革 國初行洪武通寶

上命都指揮花茂開鑄局郡中新會民多為冶  
工竊其範法以歸自是蠟涌曹岡咸鑄偽錢  
混真而售陶魯禁不可止後折入新寧此弊

稍遠廣海衛倭澳番舶不時至焉奸民勾引  
安能保無徃歲佛朗機之變乎知縣林會春  
厓山一驅衛澳鮮至亦百世之功也交廣自  
隋而上貨用金銀唐以後始用錢

明天順以前錢法通行成化元年二年忽擇  
錢過當以二折一謂之掛索踰年乃復舊嘉  
靖間錢法忽又不通猶成化元年二年時乃  
變而用銀愚夫愚婦或持隻鷄僅易片鐵絕

食相怨卒致隕命如是者亦四五年始漸通  
於戲利害之變時也通其變以宜民上也使  
吏茲土者誠能塵視金王子視疾苦民尚訖  
於富哉先王之世食土毛者亦惟正之供而  
已非貢賦而歛下謂之暴非貢賦而奉上謂  
之耗耗與暴物之尤民之憂也是故陂園井  
泉所謂水土演而前民用者也墟市物產用  
以貿遷食貨而阜民財也仍舊誌列于篇儻

謂民利則無幾矣亟求利民寧獨吏茲土者  
責乎近則分命內使括斯民之利而盡輸之  
國家未入其一承風者已漁其十礦掘及墳墓  
舛洗遍婦女斯民敢怨而不敢為亂亦以聞  
皇上容諫之德

祖宗仁育之澤至深至厚耳  
陂園

越塘園在古勞都洪武三十年鄉人馮原仲

告工部差官劉思誠同縣興築灌田五十三  
頃

斗南堰塘在沙涌村鄉人伍斗南築灌田五頃  
餘

坡亭大水基園在古勞都洪武二十七年鄉民  
梁文善馮觀興告工部差人才劉永旋修築  
灌田二百二十三頃

坡亭小水基園洪武二十九年鄉人黃原善易

和等告布政司劄縣興築灌田七頃六十五畝

麥村大水基園在古勞都洪武間興築灌田二百一十頃

麥村小水基園永樂二年鄉人黃佛成等告工部差官江淵同縣興築灌田六頃一十畝

招村水園在古勞都洪武二十七年興築灌田一十八頃三十二畝

天河水園在中樂都修築與越塘園同灌田一百三頃八十畝

炭竈水在縣南舊常壅塞淹浸困未一百餘頃鄉老張光輝奏行委官疏濬未通鄉民周源捐財力買要地鑿通後無壅淹之患民利之名新開圳余統有記

水流坑在懷仁都鄉民共築潦洩旱灌利餘田一百餘頃落鞋陂在新化都洪武初民周觀善率鄉人共

築灌田二十餘頃

昔陂園多鳴之上上使人爲築之今則皆民力而已歲有塌崩疲勞自苦近而粵西江水泛溢異常西北一帶園破田沒饑溺綦慘尚厯當路禹稷之憂

井泉

瓦窰井在源清坊泉清而味甘類達磨泉

譚家井在隆興觀前邑人譚聖裕鑿

煉丹井在源清坊隆冬不涸通邑資之煉藥尤佳  
北上廟井在源清坊陶魯鑿

石井在源清坊邑人謝景玄鑿銘曰象山之麓磨石如玉劖得其源甘泉湧淥酌之不貪用之云足宜人之壽益人之祿

細井在象山下泉自湧出邑人何稅成甃之

道姑井在邑西元至治張道姑鑿

龍泉井在油步涌每潮退汲者如織



新會縣志 卷之二  
大井在禮義坊元至正邑人林濟鑿

鍾樓山井在縣治東邑人林厚鑿

江灣井在東關外石上為邑煎茶第一泉

雙義井在遵名都何村里賊陳有得反殺蕭積

善置井中欲汚其妻何氏不屈投井死知縣

丁積建亭其上題曰雙義井

紫衣井在邑南仙湧山相傳有紫衣和尚見石

湧泉隨湧出故寺曰仙湧

牛蹄井在潮陽都塘尾村

古州井在登名都古州村南

薛水井在平康都 舊城四井各在城門內側

堰市

市曰縣前曰東門曰南門曰西門曰墓前曰濠

橋曰通濟曰橋頭曰分水岡曰白沙

堰曰新街

源清

曰沙頭曰小澤

俱懷仁

曰潮透

新化

曰

何村

遵名

曰古岡曰寺前曰龍塘曰通天

俱名

登

曰沙坪曰水口俱古曰那洋曰水邊曰長沙

曰波羅曰長沙塘俱平曰鷄籠岡潮陽曰小岡

曰天亭水瀧曰都會曰奇榜曰江門曰杜阮

曰外海德歸曰河塘華曰沙坪頭曰古勞俱古

勞

物產

穀多黏品多稻品多糯品多菽品有黍有麥

肯周以農開國曆數獨長豐則樂歎則憂國

家命脉大率賴此顧調燮無狀潦曠不時加  
之以海颶蟲蝗十歲之間較無再稔維正之  
供上必取盈法外之征倍而不蠲欲民不淪  
于盜也希矣輕稅而重農薄賦而厚民社稷  
靈長不越于周吾不信也

布帛桑多少柘帛所出也綿曰大綿曰火綿曰

木綿冬衣所出也麻曰白麻曰青麻曰火麻

曰蕉麻夏衣所出也曰葛麻絺綌所出也曰